

# Berfau

- Mae **berf** yn disgrifio gweithred e.e. rheolais, meddyliaist, prynaf.
- Mae **berf** yn dangos **pwyl** sy'n gwneud rhywbeth a **phryd** mae'n digwydd. e.e.

BERF		PWY?	PRYD?
rheolais	⇒	fi	(Gorffennol) / Wedi digwydd.
meddylia	⇒	ti	(Presennol) / Digwydd 'nawr.
gwisgai	⇒	fe/hi	(Amherffaith) / Arfer digwydd yn y gorffennol.
aeth	⇒	e/hi	Gorffennol.

- Byddwch yn ofalus pa **derfyniad** (diwedd) rydych yn ei roi ar ferf:

Rhedais e X	>	Rhedodd e ✓	Roedd fi X	>	Roeddwn i ✓
Cerddodd fi X	>	Cerddais i ✓	Roedd nhw X	>	Roedden nhw ✓
Aeth fi X	>	Es i/Euthum i ✓	Daeth fi X	>	Des i/ deuthum i ✓

Yn lle dweud:		defnyddiwch:
Gwnaeth fi gweld	>	Gwelais (i)
Gwnes i symud	>	Symudais (i)
Gwnaeth fe gyrraedd	>	Cyrhaeddodd (e)
Gwnaeth hi brynu	>	Prynodd (hi)
Gwnaeth ni mynd	>	Aethom (ni)

- **Byddwch yn ofalus** wrth ddefnyddio amser gorffennol y berfau: mynd, dod, cael, gwneud.

MYND			DOD	
Es i/ Euthum i	Aethom ni		Des i/ Deuthum i	Daethom ni
Est ti/ Aethost ti	Aethoch chi		Dest ti/ Daethost ti	Daethoch chi
Aeth e/hi	Aethon nhw		Daeth e/hi	Daethon nhw

- **Berfau amhersonol:**

Mae'r rhain yn gorffen gydag -ir ac -wyd.

Maen nhw'n cael eu defnyddio wrth ysgrifennu adroddiadau (papurau newydd, gwyddonol).

Maen nhw'n cael eu defnyddio wrth ysgrifennu'n FFURFIOL.

Fformiwla:

**BERF AMHERSONOL > BETH > GAN BWY > PRYD**

e.e. Ysgrifennwyd // llythyr // gan Reolwr y Banc // ddoe.

Presennol (-ir)	Gorffennol (-wyd)	Presennol (-ir)	Gorffennol (-wyd)
clywir	clywyd	gosodir	gosodwyd
gwelir	gwelwyd	rhoddir	rhoddwyd
ceir	cafwyd	ychwanegir	ychwanegwyd

## Pwyntiau pellach i'w cofio am y berfau:

Mae ysgrifennu stori fer yn rhoi cyfle gwych i ddefnyddio berfau gorffennol, ochr yn ochr gyda'r berfau amherffaith:

- **GORFFENNOL** i gyfleu digwyddiadau dramatig:

ais i > sgrechiais i	on ni > rhedon ni nerth ein traed
aist ti > taflaist ti	och chi > sylloch chi'n syn
odd e/hi > trywanodd e	on nhw > gwylion nhw'r cyfan

- **AMHERFFAITH** i ddisgrifio, a chyfleu teimladau:

wn i > teimlwn i; credwn i (roeddwn i'n teimlo/credu)	ai e/hi > teimlai ef (roedd e'n teimlo) disgleiriai'r lleuad ... llifai'r afon ...
---	---